



Broj: 11-14-6951-42/18
Datum: 30.07.2019. godine

Na osnovu člana 70. i člana 25. Zakona o javnim nabavkama „Službeni glasnik BiH“, broj: 39/14) i Zapisnika o pregledu i ocjeni ponuda, broj: 11-14-6951-41/18 od 26.07.2019.godine, u nastavku postupka javne nabavke „Ustupanje usluga operativne proljetne faze obavezne preventivne sistematske deratizacije na području Zeničko-dobojskog kantona za 2018. godinu“, ministar Ministarstva zdravstva Zeničko-dobojskog kantona, donosi:

ODLUKU
o izboru najpovoljnijeg ponuđača

1. Ugovor za pružanje usluga operativne proljetne faze obavezne preventivne sistematske deratizacije na području Zeničko-dobojskog kantona za 2018. godinu, dodjeljuje se Konzorciju ponuđača „Sanacija 3D“ d.o.o. Sarajevo i „Sanitarac“ d.o.o. Vlasenica, kao najbolje ocijenjenom ponuđaču. Ukupna vrijednost ugovorenih usluga bez PDV-a iznosi 22.230,00 KM, odnosno 26.009,10 KM sa PDV-om.
2. Ponuđač kojem se dodjeljuje ugovor dužan je dostaviti dokumente iz člana 45. Zakona o javnim nabavkama, navedene u tački 1.1 tenderske dokumentacije u roku od 5 (pet) dana od prijema Odluke o izboru najpovoljnijeg ponuđača. Dokumenti moraju biti dostavljeni na način definisan u tački 1.1. tenderske dokumentacije.
3. Nakon pravosnažnosti ove Odluke, izabranom ponuđaču iz tačke 1. ove Odluke dostavit će se prijedlog ugovora o pružanju usluga. U skladu sa tačkom 2. u dijelu V Ostali podaci tenderske dokumentacije, ponuđač je dužan dostaviti Garanciju za uredno izvršenje ugovora.
4. Ova odluka objavit će se na web-stranici <http://www.zdk.ba/> istovremeno s upućivanjem odluke ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.
5. Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.
6. Za realizaciju ove Odluke zadužuje se Ministarstvo zdravstva Zeničko-dobojskog kantona.

O b r a z l o ž e n j e

Ministarstvo zdravstva Zeničko-dobojskog kantona je, na osnovu Odluke o pokretanju postupka javne nabavke broj: 11-14-6951-3/18 od 03.05.2018.godine, pokrenulo postupak javne nabavke „Ustupanje usluga operativne proljetne faze obavezne preventivne sistematske deratizacije na području Zeničko-dobojskog kantona za 2018. godinu“

Javna nabavka je provedena po otvorenom postupku u skladu sa članom 25. Zakona o javnim nabavkama. Procijenjena vrijednost nabavke je 42.735,00 KM bez PDV-a.

Ugovorni organ je objavio obavještenje na portalu javnih nabavki broj: 20180-1-2-3-1/18 dana 07.06.2018. godine i u „Službenom glasniku BiH“ broj: 40/18 dana 15.06.2018.godine.

U prethodnom periodu ugovorni organ je donio Odluku o izboru najpovoljnijeg ponuđača (Konzorcij ponuđača „Sanacija 3D“ d.o.o. Sarajevo i „Sanitarac“ d.o.o. Vlasenica), broj: 11-14-6951-12/18 od 12.07.2018. godine na koju je žalbu izjavio ponuđač „Sanitacija“ d.o.o. Sarajevo.

Rješenjem Ureda za razmatranje žalbi broj: JN2-03-07-1-1071-9/18 od 20.09.2018. godine prethodno navedena odluka je poništena i predmet vraćen ugovornom organu na ponovni postupak u kojem će utvrditi pravo činjenično stanje u pogledu prihvatljivosti ponude, budući da se iz dokaza zahtijevanih tenderskom dokumentacijom nije moglo sa sigurnošću utvrditi da li je doktor medicine Igor Dragičević specijalista epidemiologije ili higijene sa ekologijom.

Na osnovu Zapisnika Komisije o ponovnom pregledu i ocjeni ponuda, broj: 11-14-691-16/18 od 15.10.2018. godine i Zapisnika broj: 11-14-6951-18/18 od 29.10.2018. godine, ugovorni organ je donio Odluku o izboru najpovoljnijeg ponuđača („Sanitacija“ d.o.o. Sarajevo), broj: 11-14-6951-19/18 od 05.11.2018. godine, na koju su žalbe izjavili „Sanacija 3D“ d.o.o. Sarajevo-predstavnik grupe ponuđača i Institut za zdravlje i sigurnost hrane Zenica.

Ured za razmatranje žalbi rješavajući po žalbi „Sanacija 3D“ d.o.o. Sarajevo - predstavnik grupe ponuđača Zenica donio je Rješenje broj: JN2-03-07-1-1602-9/18 od 20.12.2018. godine kojim je Odluka o izboru najpovoljnijeg ponuđača, broj: 11-14-6951-19/18 od 05.11.2019. godine poništena i predmet vraćen ugovornom organu na ponovni postupak.

Ured za razmatranje žalbi rješavajući po žalbi JU Institut za zdravlje i sigurnost hrane Zenica donio je Rješenje broj: JN2-03-07-1-1601-9/18 od 27.12.2018. godine kojim je Odluka o izboru najpovoljnijeg ponuđača, broj: 11-14-6951-19/18 od 05.11.2019. godine poništena i predmet vraćen ugovornom organu na ponovni postupak.

Ugovorni organ, na osnovu Zapisnika Komisije za provedbu postupka javne nabavke „Ustupanje usluga operativne proljetne faze obavezne preventivne sistematske deratizacije na području Zeničko-dobojskog kantona za 2018. godinu, broj: 11-14-6951-27/18 od 14.02.2019. godine, donio je Odluku o otkazivanju postupka javne nabavke „Ustupanje usluga operativne proljetne faze obavezne preventivne sistematske deratizacije na području Zeničko-dobojskog kantona za 2018. godinu, broj: 11-14-6951-28/18 od 21.02.2019. godine na koju je izjavljena žalba Konzorcija „Sanacija 3D“ d.o.o. Sarajevo i „Sanitarac“ d.o.o. Vlasenica, zastupanog od advokata Emira Šahinpašića iz Sarajeva.

Rješenjem Ureda za razmatranje žalbi broj: JN2-03-07-1-674-7/19 od 09.05.2019. godine poništena je Odluka o otkazivanju postupka javne nabavke broj: 11-14-6951-28/18 od 21.02.2019. godine i predmet vraćen ugovornom organu na ponovni postupak.

Ugovorni organ je Uredu za razmatranje žalbi, na njihov zahtjev broj: JN2-03-07-1-674-10/19 od 08.07.2019. godine, dostavio Informaciju broj: 11-14-6951-35/18 od 17.07.2019. godine u kojoj je obrazložio razloge nepostupanja po Rješenju Ureda za razmatranje žalbi, broj: JN2-03-07-1-674-7/19 od 09.05.2019. godine.

U skladu sa navodima iz Informacije, direktor Službe za zajedničke poslove je donio Rješenje o stavljanju van snage Rješenja o imenovanju Komisije za provedbu postupka javne nabavke, broj: 14-14-3-6951-6/18 od 29.05.2018. godine, a ministar Ministarstva zdravstva Zeničko-dobojskog kantona donio je Rješenje o imenovanju Komisije za provođenje postupka javne nabavke „Ustupanje usluga operativne proljetne faze obavezne preventivne sistematske deratizacije na području Zeničko-dobojskog kantona za 2018. godinu“, broj: 11-14-6951-38/18 od 23.07.2019. godine.

Komisija imenovana rješenjem ministra Ministarstva zdravstva pristupila je ponovnom ocjenjivanju ponuda i sačinila Zapisnik o ponovnom pregledu i ocjenjivanju ponuda, broj: 11-14-6951-41/18 od 26.07.2019. godine. Imajući u vidu da su saglasnost za produženje važenja ponude do 30.09.2019. godine, dostavila dva ponuđača Konzorcij „Sanacija 3D“ d.o.o. Sarajevo i „Sanitarac“ d.o.o. Vlasenica i „Sanitacija“ d.o.o. Sarajevo, navedene ponude su bile predmet ocjenjivanja.

Budući da tenderskom dokumentacijom nije kao dokaz traženo uvjerenje o specijalističkom ispitu dr medicine, Komisija je uzimajući u obzir preporuke i stavove navedene u rješenjima Ureda za razmatranje žalbi broj: JN2-03-07-1-1071-9/18 od 20.09.2018. godine, JN2-03-07-1-1602/18 od 20.12.2018. godine i JN2-03-07-1-674-7/19 od 09.05.2019. godine, posebno u dijelu koji se odnosi na utvrđivanje pravog činjeničnog stanja na okolnost da li dr Igor Dragičević, zadovoljava uslove iz tenderske dokumentacije.

Uvidom u Potvrdu Komore doktora Republike Srpske, Komisija je utvrdila da je zadovoljen uslov iz tenderske dokumentacije.

Nakon pregleda i ocjene ponuda naprijed navedenih ponuđača, Komisija je u zapisniku od 26.07.2019.godine konstatovala da su obje ponude prihvatljive, odnosno ispunjavaju zahtjeve iz tenderske dokumentacije.

Komisija za javnu nabavku je shodno kriteriju „ekonomski najpovoljnija ponuda“ izvršila rangiranje ponuda kako slijedi:

- | | | | |
|----|--|-------------|---|
| 1. | Konzorcij „Sanacija 3D“ d.o.o. Sarajevo i „Sanitarac“ d.o.o. Vlasenica | 100,00 rang | 1 |
| 2. | „Sanitacija“ d.o.o. Sarajevo | 60,99 rang | 2 |

U skladu sa naprijed navedenim, Komisija je dala preporuku ugovornom organu za donošenje odluke o izboru Konzorcija ponuđača „Sanacija 3D“ d.o.o. Sarajevo i „Sanitarac“ d.o.o. Vlasenica, kao najpovoljnijeg ponuđača za predmetnu nabavku.

U postupku donošenja ove odluke postupljeno je u skladu sa kriterijima iz tenderske dokumentacije.

Naime, u postupku je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima, tenderskom dokumentacijom i stavovima Ureda za razmatranje žalbi iznesenim u rješenjima Ureda za razmatranje žalbi, koja se odnose na ovu javnu nabavku.

Na osnovu navedenog, donesena je odluka kao i dispozitivu.

Pouka o pravnom lijeku

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostavljeno:
1x Ponuđači
1x a/a



MINISTAR

dr. Šćepan Jupiće